



Newsletter Inclusiun en il Grischun 03/2026

Allegra, Grüezi, Ciao

En la newsletter As preschentan nus quests trais temas:

- World cafés ed enquista 2026
- Dis d'acziun naziunals 2027
- Savevas Vus gia? Il Grischun damenta il center dal sport d'enviern inclusiv

«Savevas Vus gia?» è ina nova rubrica en questa newsletter. Là As preschentan nus dad ussa d'avent differentas activitads davart il tema inclusiv.

Nus As giavischain ina lectura divertenta.

Salids amicabels

Susanna Gadiant, Manadra da l'uffizi

Daniel Kistler, Manader da l'Integraziun da persunas cun impediments

Uffizi dal servetsch social dal Grischun

La newsletter è scritta per gronda part en lingua simpla. Ella cuntegna resumaziuns en lingua facil.

World cafés ed enquista 2026



Persunas cun impediments vegnan a pled

Persunas cun impediments èn expertas ed experts en atgna chaussa. Per drizzar las purschidas anc meglier a lur basegns effectivs, tschertga l'Uffizi dal servetsch social chantunal il barat direct cun las persunas pertutgadas.

Barat en world cafés ed enquista online

Il Post da coordinaziun per ils dretgs e per l'egualitad da las persunas cun impediments organisescha per quest intent trais world cafés (workshops). Ultra da quai datti in'enquista online senza barrieras, nua che persunas cun impediments pon contribuir lur experientschas.

La finamira è quella da sa procurar la valitaziun ed ils giavischs da persunas cun impediments davart ils temas «sensibilisaziun da la publicitad» e «barat direct cun l'administraziun».

Interessà ad ina participaziun?

In'annunzia è pussaivla fin ils 17 d'avrigl 2026.

> [al formular d'annunzia](#) ed ulteriuras infurmaziuns

En lingua facila

Persunas cun impediments san ina massa.

Ellas san bler davart lur atgna vita e tge ch'ellas dovran.

Perquai vul l'Uffizi dal servetsch social chantunal discurrer directamain cun ellas.

Per exempel davart questas dumondas:

- Co pudain nus fa meglier attent als giavischs da persunas cun impediments?
- Co pon persunas cun impediments contribuir pli simpel lur giavischs en l'administraziun?

I han lieu trais inscunters latiers.

U ins po er sa participar ad in'enquista en l'internet.

Vulais Vus As participar?

In'annunzia è pussaivla fin ils 17 d'avrigl 2026.

Qua pudais Vus As [annunziar \(cliccar\)](#).

Dis d'acziun naziunals 2027

Dals 24 da matg fin ils 7 da zercladur 2027 – Mintga (pitschna) acziun po chaschunar grondas chaussas!

Vus As regurdaiss dals Dis d'acziun per ils dretgs da las persunas cun impediments 2024? Els èn stads in grond success. En il Grischun han gì lieu passa 50 acziuns

multifaras. L'interess vast ed il grond engaschament han exprimì, che inclusiun n'è per bleras persunas en il chantun Grischun pluriling betg in pled ester.

Ils dis d'acziun naziunals vegnan ussa repetids mintga 2 fin 3 onns. Ils proxims dis d'acziun han lieu l'onn 2027 – dals 24 da matg fin ils 7 da zercladur. Il focus è l'onn 2027 sin il tema «lavor».

Restai vidlonder! à Nus As infurmain cun la newsletter baud pli exactamain davart ils dis d'acziun 2027.

En lingua facila

Ils dis d'acziun davart il tema inclusiun han gì success l'onn 2024.

Dals 24 da matg fin ils 7 da zercladur 2027 datti puspè dis d'acziun en Svizra.

Er en il Grischun.

Tar las acziuns duai oravant tut sa tractar dal tema lavor.

Baud datti dapli infurmaziuns en questa newsletter.

Savevas Vus gia? Il Grischun daventa il center dal sport d'enviern inclusiv



© Special Olympics World Winter Games 2029 // Matsview GmbH // Kevin Nigg.

Special Olympics: Dues occurrenzas da sport d'enviern impurtantas en il Grischun

Las preparaziuns per ils **Special Olympics National Summer Games 2026** a Zug vegnan prendidas per mauns cun bler schlantsch. Nus vulain profitar da la chaschun per far attent a las proximas occurrenzas da sport d'enviern en il

chantun Grischun.

En il Grischun ha il sport d'enviern tradiziun. Ils proxims onns han lieu qua dus gronds eveniments da sport:

- 2028 [Special Olympics National Winter Games](#)
- 2029 [Special Olympics World Winter Games](#)

Sustegn tras il chantun

Il chantun Grischun sustegna omadus eveniments da sport finanzialmain.

Al puls enstagl mo da sa participar!

Milli atletas ed atlets cun impediments spiertals da tut la Svizra e da tut il mund, concorrenzas captivantas e muments emoziunals: Ed il Grischun? Natiralmain al puls enstagl mo da sa participar.

En lingua facila

A Zug han lieu quest onn ils gieus da stad da Special Olympics cun sportistas e sportists da la Svizra.

Als Special Olympics sa participeschan sportistas e sportists cun impediments spiertals.

En il Grischun han lieu duas occurrenzas da sport da Special Olympics:

- 2028 ils gieus d'enviern cun sportistas e sportists da la **Svizra**.
- 2029 ils gieus d'enviern cun sportistas e sportists da **l'entir mund**.

Il chantun sustegna questas duas occurrenzas cun daners.

Persuna da contact per l'egualitad da persunas cun impediment


Avais Vus dumondas u giavischs? Jean-Pierre Schneckenburger, coordinatur per l'egualitad e per ils dretgs da persunas cun impediments, è gugent qua per Vus. El accumpogna e promova projects en l'entir chantun ed è Vossa persona da contact per dumondas davart l'egualitad da persunas cun impediments.

En lingua facila

Avais Vus dumondas u vulais Vus dir insatge?

Vus pudais gugent As annunziar tar Jean-Pierre Schneckenburger.

El lavura per ils dretgs da persunas cun impediments.



Jean-Pierre Schneckenburger

Post da coordinaziun per l'egualitad da persunas
cun impediments

Telefon: +41 81 257 26 98

E-Mail: Jean-Pierre.Schneckenburger@soa.gr.ch

Uffizi dal servetsch social chantunal dal Grischun
Grabenstrasse 8
7001 Cuir
Tel. +41 81 257 26 54
info@soa.gr.ch
www.soa.gr.ch

[Visar](#)
[Registru](#)



Kantonales Sozialamt
Uffizi dal servetsch social chantunal
Ufficio del servizio sociale cantonale
